

摛藻堂四庫全書薈要

集部

欽定四庫全書  
欽定全唐詩卷一萬八千五十一

集部

御定全唐詩卷六百四十六

李咸用

題陳將軍別墅

明王獵士猶疎在巖谷安居最有才高虎壯言知鬼伏  
葛龍閒臥待時來雲藏山色晴還媚風約溪聲靜又迴  
不獨春光堪醉客庭除長見好花開

湘浦有懷

鴻雁哀哀背朔方  
餘霞倒影畫瀟湘  
長汀細草愁春浪  
古渡寒花倚夕陽  
鬼樹夜分千炬火  
漁舟朝卷一蓬霜  
儂家本是持竿者  
為愛明時入帝鄉

題陳處士山居

蓮遶閒亭柳遶池  
蟬吟暮色一枝枝  
未逢皇澤搜遺逸  
贏得青山避亂離  
花圃春風邀客醉  
茅簷秋雨對僧棋  
樵童牧豎勞相問  
巖穴從來出帝師

和蔣進士秋日

晚雨霏微思杪秋不堪才子尚羈遊塵隨別騎東西急  
波促年華日夜流涼月雲開光自遠古松風在韻難休  
男兒但得功名立縱是深恩亦易酬

陳正字山居

一葉閒飛斜照裏江南仲蔚在蓬蒿天衢雲險駑駘蹇  
月桂風和夢想勞遙枕泉聲秋雨細對門山色古屏高  
此中即是神仙地引手何妨一釣鼈

與劉三禮陳孝廉言志

真宰無私造化均年年分散月中春皆期早躡青雲路  
誰肯長為白社人宋國高風休歛翼聖朝公道易酬身  
大須審固穿楊箭莫遣參差鬢雪新

秋日送嚴相侍御歸京

蟾影珪圓湖始波楚人相別恨偏多知君有路昇霄漢  
獨我無由出薜蘿雖道危時難進取到逢清世又如何  
誰聽甯戚敲牛角月落星稀一曲歌

題王處士山居

雲木沈沈夏亦寒此中幽隱幾經年無多別業供王稅  
大半生涯在釣船蜀魄呌迴芳草色鶯鶯飛破夕陽煙  
干戈蝟起能高卧只箇逍遙是謫仙

謝所知

狂歌狂舞慰風塵心下多端亦嬾言早是亂離輕歲月  
誰能愁悴過朝昏聖朝公道如長在賤子謀身自有門  
却愧此時叨厚遇他年何以報深恩

秋望

雲陰慘澹柳陰稀遊子天涯一望時風閃雁行疎又密  
地迴江勢急還遲榮枯物理終難測貴賤人生自不知  
未達誰能多歎息塵埃爭損得男兒

送譚孝廉赴舉

鼓鼙聲裏尋詩禮戈戟林間入鎬京好事盡從難處得  
少年無向易中輕也知貴賤皆前定未見疎慵遂有成  
吾道近來稀後進善開金口答公卿

途中逢友人

大道將窮阮籍哀紅塵深翳步遲迴皇天有意自寒暑  
白日無情空往來霄漢何年徵賦客煙花隨處作愁媒  
相逢且快眼前事莫厭狂歌酒百杯

和人湘中作

湘川湘岸兩荒涼孤雁號空動旅腸一棹寒波思范蠡  
滿尊醇酒憶陶唐年華蒲柳凋衰鬢身跡萍蓬滯別鄉  
不及東流趨廣漢臣心日夜與天長

贈陳望堯

若說精通事藝長詞人爭及孝廉郎  
秋螢短焰難盈案  
鄰燭餘光不滿行鵠箭親疎雖異的  
桂花高下一般香  
明時公道還堪信莫遣錐鋒久在囊

宿漁家

促杼聲繁螢影多江邊秋興獨難過  
雲遮月桂幾枝恨  
煙罩漁舟一曲歌難世斯人雖隱遁  
明時公道復如何  
陶家壁上精靈物風雨未來終是梭

旅館秋夕

牢落生涯在水鄉只思歸去泛滄浪秋風螢影隨高柳  
夜雨螢聲上短牆百歲易為成往苒丹霄誰肯借梯航  
若教名路無知己足馬塵中是自忙

悼范攄處士

家在五雲溪畔住身遊巫峽作閒人安車未至柴關外  
片玉已藏墳土新雖有公卿聞姓字惜無知己脫風塵  
到頭積善成何事天地茫茫秋又春

送人

一軸煙花滿口香諸侯相見肯相忘未聞珪璧為人棄  
莫倦江山去路長盈耳暮蟬催別騎數杯浮蟻咽離腸  
眼前一作頭多少難甘事自古男兒當自強

春暮途中

細雨如塵散暖空數峰春色在雲中須知觸目皆成恨  
縱道多文爭那窮飛燕有情依舊閣垂楊無力受東風  
誰能會得乾坤意九土枯榮自不同

題陳正字林亭

曉煙輕翠拂簾飛黃葉飄零弄所思正是低摧吾道日  
不堪惆悵異鄉時家林蛇豕方羣起宮沼龜龍未有期  
賴有平原憐賤子滿亭山色借吟詩

送從兄入京

柳轉春心梅艷香相看江上恨何長多情流水引歸思  
無賴嚴風促別觴大抵男兒須振奮近來時事懶思量  
雲帆高挂一揮手目送煙霄雁斷行

秋夕書懷寄所知

秋螢一點雨中飛獨立黃昏思所知三島路遙身汨沒  
九天風急羽差池年華逐浪催霜髮旅恨和雲拂桂枝  
不向故人言此事異鄉誰更念棲遲

酬進士秦顥若

鶯默平林燕別軒相逢相笑話生前低飛旅恨看霜葉  
曲寫歸情向暮川在野孤雲終捧日朝宗高浪本蒙泉  
何勞悵望風雷便且混魚龍贊武年

山中夜坐寄故里友生

展轉簷前睡不成一牀山月竹風清蟲聲促促催鄉夢  
桂影高高挂旅情禍福既能知倚伏行藏爭不要分明  
可憐任永真堅白淨洗雙眸看太平

物情

誰分萬類二儀間稟性高卑各自然野鶴不棲蕙青樹  
流鶯長喜艷陽天李斯溷鼠心應動莊叟泥龜意已堅  
成是敗非如賦命更教何處認愚賢

金谷園

石家舊地聊登望寵辱從茲信可驚鳥度野花迷錦障  
蟬吟古樹想歌聲雖將玉貌同時死却羨蒼頭此日生  
多積黃金買刑戮千秋成得綠珠名

投所知

手欠東堂桂一枝家書不敢便言歸挂簷晚雨思山閣  
拂岸煙嵐憶釣磯公道甚平才自薄丹霄好上力猶微  
誰能借與搏扶勢萬里飄飄試一飛

贈友弟

螢焰燒心雪眼勞未逢佳夢見三刀他時詎有鹽梅未  
今日猶疑腹背毛金埒曉羈千里駿玉輪寒養一枝高  
誰能終歲搖頸尾唯唯洋洋向碧濤

春日喜逢鄉人劉松

故人不見五春風異地相逢嶽影中舊業久拋耕釣侶  
新聞多說戰爭功生民有恨將誰訴花木無情祇自紅  
莫把少年愁過日一尊須對夕陽空

夏日別余秀才

嶽麓雲深麥雨秋滿傾杯酒對湘流沙邊細柳牽行色  
水面輕煙畫別愁敢待傅巖成好夢任從磻石掛纖鉤  
鏡機沖漠非吾事自要青雲識五侯

廬陵九日

菊花山在碧江東冷酒清吟興莫窮四十三年秋裏過  
幾多般事亂來空雖驚故國音書絕猶喜新知語笑同  
竟日開門無客至笛聲迢遞夕陽中

和人遊東林

一從張野臥雲林勝槩誰人更解尋黃鳥不能言往事  
白蓮虛發至如今年年上國榮華夢世世高流水石心  
始欲共君重悵望紫霄峰外日沈沈

和彭進士秋日遊靖居山寺

秋山入望已無塵況得閒遊謝事頻問著盡能言祖祖  
見時應不是真真添瓶野水遮還急伴塔幽花落又新  
自笑未曾同逸步終非宗炳社中人

和彭進士感懷

人生誰肯便甘休遇酒逢花且共遊若向雲衢陪驥尾  
直須天畔落旄頭三編大雅曾闢興一冊南華旋解憂  
四海英雄多獨斷不知何者是長籌

寄題從兄坤載村居

鄰並無非樵釣者莊生物論宛然齊雨中寒樹愁鷗立  
江上殘陽瘦馬嘶說與衆傭同版築呂將羣叟共磻溪  
覆巢破卵方堪懼取次梧桐鳳且棲

送黃賓于赴舉

秋風昨夜滿瀟湘  
衰柳殘蟬思客腸  
早是亂來無勝事  
更堪江上揖離觴  
澄潭躍鯉搖輕浪  
落日飛鳧趁遠檣  
漁父不須探去意  
一枝春裏月中央

冬日喜逢吳價

垂楊煙薄井梧空  
千里遊人駐斷蓬  
志意不因多事改  
鬚毛難與別時同  
鶯遷猶待銷冰日  
鷗起還思動海風  
窮達他年如賦命  
且陶真性一杯中

題劉處士居

壓破嵐光半畝餘竹軒蘭砌共清虛泉經小檻聲長急  
月過脩篁影旋疎溪鳥時時窺戶牖山雲往往宿庭除  
干戈謾道因天意渭水高人自釣魚

送李尊師歸臨川

蟠桃一別幾千春謫下人間作至人塵外煙霞吟不盡  
鼎中龍虎伏初馴除存紫府無他意終向青冥舉此身  
辭我麻姑山畔去蔡經蹤跡必相親

投知

西望長安路幾千遲回不為別家難酌量才地心雖動  
點檢囊裝意又闊自是遠人多蹇滯近來仙榜半孤寒  
嘶風重訴牽鹽心伯樂何妨轉眼看

吳處士寄香兼勸入道

謝寄精專一捻香勸予朝禮仕虛皇須知十極皆臣妾  
豈止遺生奉混茫空掛黃衣寧續壽曾聞玄教在知常  
但居平易俟天命便是長生不死鄉

草蟲

如繅如織暮幽幽應節催年使我愁行客語停孤店月  
高人夢斷一牀秋風低蘚徑疑偏急雨咽槐亭得暫休  
須付畫堂蘭燭畔歌懷醉耳兩悠悠

詠柳

日近煙饒還有意東垣西掖幾千株牽仍一作連別恨知

難盡誇銜春光恐更無解引人情長婉約巧隨風勢強  
盤紝天應繡出繁華景處處茸絲惹路衢

寄所知

曾將俎豆為兒戲爭奈干戈阻素心遁去不同秦客逐  
病來還作越人吟名流古集典衣買僻寺奇花貰酒尋  
從道趣時身計拙如非所好肯開襟

雪

上帝無私意甚微欲教霖雨更光輝也知出處花相似  
可到貧家影便稀雲漢風多銀浪濺崑山火後玉灰飛  
高樓四望吟魂歛却憶明皇月殿歸

緋桃花

茫茫天意為誰畱深染天桃備勝遊未醉已知醒後憶  
欲開先為落時愁癡蛾亂撲燈難滅躍鯉傷驚電不收  
何事梨花空似雪也稱春色是悠悠

同友人秋日登庾樓

蘭摧菊暗不勝秋倚著高樓思莫收六代風光無問處  
九條煙水但凝愁誰能百歲長閒去祇箇孤帆豈自由  
欲學仲宣知是否臂弓腰劍逐時流

和人詠雪

輕輕玉疊向風加襟袖誰能認六葩高岫人迷千尺布  
平林天與一般花橫空絡繹雲遺屑撲浪翩聯蝶寄槎  
公子樽前流遠思不知何處客程賒

和友人喜相遇十首

為儒自愧已多年文賦歌詩路不專肯信披沙難見寶  
只憐苦草易成編燕昭寤寐常求駿郭隗尋思未是賢  
且固初心希一試箭穿正鵠豈無緣

揣情摩意已無功只把篇章助國風宋玉謾誇雲雨會

謝連寧許夢魂通愁成旅鬢千絲亂吟得寒缸短焰終  
難世好居郊野地出門常喜與人同

惠子休驚學五車沛公方起斬長蛇六雄互欲吞諸國  
四海終須作一家自古經綸成世務暫時朱綠比朝霞  
人生心口宜相副莫使堯階草勢斜

不傍江煙訪所思更應無處展愁眉數杯竹閣花殘酒  
一局松窗日午暮多病却疑天與便自愚潛喜衆相欺  
非窮非達非高尚冷笑行藏祇獨知

間吟閒坐道相應遠想南華亦自矜拋擲家鄉輕似夢  
尋常心地冷於僧和羹使用非胥靡憶鱠言詞小季鷹  
唯仗十篇金玉韻此中高旨莫階升

已向丘門老此軀可堪空作小人儒吟中景象千般有  
書外囊裝一物無潤屋必能知早散輝山應是不輕沽  
短衣寧倦重修謁誰識高陽舊酒徒

松桂寒多衆木分輕浮如葉自紛紜韶咸古曲教誰愛  
山水清音喜獨聞上國共知傳大寶舊交寧復在青雲

相逢莫厭杯中酒同醉同醒祇有君

還淳反朴已難期依德依仁敢暫違寡欲自應剛正立  
無私翻覺友朋稀旄頭影莫侵黃道傳說星終近紫微  
年紀少他遽伯玉幸因多難早知非

麻衣未識帝城塵四十為儒是病身有恨不關銜國恥  
無愁直為倚家貧齊輕東海二高士漢重商山四老人  
一種愛閒閒不得混時行止却應真

任說天長海影沈友朋情比未為深唯應樂處無虛日

大半危時得道心命達天殤同白首價高甄瓦即黃金  
他年有要玄珠者赤水紫紆試一尋

依韻修睦上人山居十首

生身便在亂離間遇柳尋花作麼看老去轉諳無是事  
本來何處有多般長憐蟬蝶能隨暖獨笑梧桐不耐寒  
覆載我徒爭會得大鵬飛尚未知寬

雲泉日日長松寺絲管年年細柳營靜躁殊途知自識  
榮枯一貫亦何爭道傷病樹人從老溪上新苔我獨行

若見淨名居士語逍遙全不讓莊生

莫言天道終難定須信人心盡自輕宣室三千雖有恨  
成周八百豈無情柏緣執性長時瘦梅為多知兩番生  
不是不同明主意嬾將脣舌與齊烹

不論軒冕及漁樵性與情違漸漸遙季子禍從憐富貴  
顏生道在樂簞瓢清閒自可齊三壽忿恨還須戒一朝  
好學堯民愧舜日短裁孤竹理雲韶

春風春雨一何頻望極空江覺損神鶯有由來重入谷

柳無情緒強依人漢庭謁者休言事魯國諸生莫問津  
賴是水鄉樗櫟賤滿爐紅焰且相親

三十年來要自觀履春冰恐未為難自於南國同埋劍  
誰向東門便挂冠早是人情飛絮薄可堪時令太行寒  
多慙幸住匡山下偷得穠嵐坐臥看

畹蘭未必因香折湖象多應為齒焚兼濟直饒同巨楫  
自由何似學孤雲秋深櫟菌樵來得木末山鼯夢斷聞  
閒凭竹軒游子過替他愁見日西曛

何事深山嘯復歌短弓長劍不如他且圖青史垂名穩  
從道前賢自滯多鴟鴞敢辭栖短棘鳳凰猶解怯高羅  
人生若得逢堯舜便是巢由亦易過

太玄太易小窗明古義尋來醉復醒西伯縱逢頭已白  
步兵如在眼應青寒猿斷後雲為檻宿鳥驚時月滿庭  
此景得閒閒去得人間無事不曾經

壯氣雖同德不同項王何似王江東鄉歌寂寂荒丘月  
漁艇年年古渡風難世斯人猶不達此時吾道豈能通

吟君十首山中作方覺多端總是空

同友生春夜聞雨

春雨三更洗物華亂和絲竹響豪家滴繁知在長條柳  
點重愁看破朵花簷靜尚疑兼霧細燈搖應是逐風斜  
此時童叟渾無夢為喜流膏潤穀芽

同友生題僧院杜鵑花

得春字

若比衆芳應有在難同上品是中春牡丹為性疎南國  
朱槿操心不滿旬畱得却緣真達者見來寧作獨醒人

鶴林太盛今空地  
莫放枝條出四鄰

春日題陳正字林亭

周迴勝異似仙鄉  
稍減愁人日月長  
幕繞虛簷高岫色  
鏡臨危檻小池光  
絲垂楊柳當風軟  
玉折含桃倚徑香  
南北近來多少事  
數聲橫笛怨斜陽

送河南韋主簿歸京

巖風愛日淚闌干  
去住情途各萬端  
世亂敢言離別易  
時清猶道路行難  
舟維晚雨湘川暗  
袖拂晴嵐峴首寒

見說滿朝親友在肯教憔悴出長安

喻道

漢武秦皇漫苦辛那思俗骨本含真不知流水潛催老  
未悟三山也是塵牢落沙丘終古恨寂寥函谷萬年春  
長生客待仙桃餌月裏嬋娟笑煞人

山中

一簇煙霞榮辱外秋山留得傍簷楹朝鐘暮鼓不到耳  
明月孤雲長挂情世上路岐何繚繞水邊蓑笠稱平生

尋思阮籍當時意  
豈是途窮泣利名

同玄昶上人觀山榴

病隨支遁偶行行正見榴花獨滿庭瘦竹成林人不看  
却應著得強青青

別李將軍

一拜虬髭便受恩宮門細柳五搖春男兒自古多離別  
嬾對英雄淚滿巾

早雞

錦翅朱冠驚四鄰稻梁恩重職司晨不知下土兵難戢  
但報明時向國人

別友

北吹微微動旅情不堪分手在平明寒雞不待東方曙  
喚起征人蹋月行



御定全唐詩卷六百四十六



總校官庶吉士臣張能照  
校對官檢討臣蕭九成  
謄錄舉人臣李駟

欽定四庫全書會要卷一萬八千五十二

集部

御定全唐詩卷六百四十七

胡曾

湖  
曾邵陽人咸通中舉進士不第嘗為漢南從事安定  
集  
十  
卷詠史詩三卷今合編詩一卷

草檄答南蠻有詠

辭天出塞陣雲空霧捲霞開萬里通親受虎符安宇宙  
誓將龍劍定英雄殘霜敢冒高懸日秋葉爭禁大段風

為報南蠻須屏跡不同蜀將武侯功

寒食都門作

二年寒食住京華  
寓目春風萬萬家  
金絡馬銜原上草  
玉顏  
一作釵人折路傍花軒  
車競出紅塵合  
冠蓋爭回白  
日斜誰念都門兩行淚  
故園寥落在長沙

薄命妾

阿嬌初失漢皇恩  
舊賜羅衣亦罷薰  
倚枕夜悲金屋雨  
卷簾朝泣玉樓雲  
宮前葉落鴛鴦瓦  
架上塵生翡翠裙

龍騎不巡時漸久長門空

一作長

掩綠苔紋

獨不見

玉關一自有氛埃年少從軍竟未回  
門外塵凝張樂榭水邊香滅按歌臺  
窗殘夜月人何處簾卷春風燕復來  
萬里寂寥音信絕一作斷寸心爭忍不成灰

交河塞下曲

交河水薄日遲遲漢將思家感別離  
塞北草生蘇武泣隴西雲起李陵悲  
曉侵雉堞鳥先覺春入關山雁獨知

何處疲兵心最苦夕陽樓上笛聲時

車遙遙

自從車馬出門朝便入空房守寂寥玉枕夜殘一作魚

寒

信絕一作斷

一作

金鉏秋盡雁書遙臉邊楚雨臨風落頭上春

秦

一作

雲向日銷芳草又衰還不至碧天霜冷轉無憊

早發潛水驛謁郎中員外

半床秋月一聲雞萬里行人費馬蹄青野霧銷凝晉洞  
碧山煙散避秦溪樓臺稍辨烏城外更漏微聞鶴柱西

已是大仙憐後進不應來向武陵迷

贈漁者

不媿人間萬戶侯子孫相繼老扁舟往來南越諳鮫室  
生長東吳識蜃樓自為釣竿能遣悶不因萱草解銷憂  
羨君獨得逃名趣身外無機任白頭

自嶺下泛鷁到清遠峽作

乘船浮鷁下韶水絕境方知在嶺南薜荔一作蘿薜雨餘山  
自黛蒹葭煙盡島如藍旦遊蕭帝新松寺夜宿嫦娥桂

影一作舊桂潭不為篋中書未獻便來茲地結茅菴

題周瑜將軍廟

共說生前國步難山川龍戰血漫漫交鋒魏帝旌旛退  
委任君一作質吳王社稷安庭際雨餘春草長廟前風起晚  
光殘功勲碑碣今何在不得當時一字看

詠史詩

烏江

爭帝圖王勢已傾八千兵散楚歌聲烏江不是無船渡

耻向東吳再起兵

章華臺

茫茫衰草沒章華  
因笑靈王昔好奢  
臺土未乾簫管絕  
可憐身死野人家

細腰宮

楚王辛苦戰無功  
國破城荒霸業空  
唯有青春花上露  
至今猶泣細腰宮

沙苑

馮翊南邊宿霧開行人一步一襄回誰知此地凋殘柳  
盡是高歡敗後裁

石城

古郢雲開白雪樓漢江還遶石城流何人知道寥天月  
曾向朱門送莫愁

荆山

抱玉巖前桂葉稠碧谿寒水至今流空山落日猿聲叫  
疑是荆人哭未休

陽臺

楚國城池颯已空  
陽臺雲雨過一作無蹤  
何人更有襄

王夢寂寂巫山十二重

居延

漠漠平沙際碧天  
問人云此是居延  
停驂一顧猶魂斷  
蘇武爭禁十九年

沛宮

漢高辛苦事干戈  
帝業興隆俊傑多  
猶恨四方無壯士

還鄉悲唱大風歌

金谷園

一自佳人墜玉樓繁華東逐洛河流唯餘金谷園中樹  
殘日蟬聲送客愁

湘川

虞舜南捐萬乘君靈妃揮涕竹成紋不知精魄遊何處  
落日瀟湘空白雲

夷門

六龍冉冉驟朝昏魏國賢才杳不存唯有侯羸在時月

夜來空

尚一作

自照夷門

黃金臺

北乘羸馬到燕然此地何人復禮賢若問昭王無處所  
黃金臺上草連天

夷陵

夷陵城闕倚朝雲戰敗秦師縱火焚何事三千珠履客  
不能西禦武安君

# 漢江

漢江一帶碧流長，兩岸春風起綠楊。  
借問膠船何處沒，欲停蘭棹祀昭王。

# 蒼梧

有虞龍駕不西還空委簫韶洞壑一作府間無計得知陵

寢處愁雲長滿九疑山

# 陳宮

陳國機權未可一作有涯如何後主恣嬌奢不知即入宮

中一作前井猶自聽吹玉樹花

南陽

世亂英雄百戰餘孔明方此樂耕鋤蜀王不自垂三顧

爭得先生出舊草一作廬

即墨

即墨門開縱火牛燕師營裏血波流固存不得田單術  
齊國尋成一土丘

渭濱

岸草青青渭水流子牙曾此獨垂鉤當時未入非熊兆  
幾向斜陽歎白頭

五湖

東上高山望五湖雪濤煙浪起天隅不知范蠡乘舟後  
更有功臣繼踵無

易水

一旦秦皇馬角生燕丹歸北送荆卿行人欲識無窮恨  
聽取東流易水聲

長平

長平瓦震武安初  
趙卒俄成戲鷺魚四十萬人俱下世  
元戎何用讀兵書

西園

月滿西園夜未央  
金風不動鄴天涼  
高情公子多秋興  
更領詩人入醉鄉

長沙

江上南風起白蘋  
長沙城郭異咸秦  
故鄉猶自嫌卑濕

何況當時賦鵬人

圮橋

廟算張良獨有餘少年逃難下邳初逡巡不進泥中履  
爭得先生一卷書

銅雀臺

魏武龍輿逐逝波高臺空接望陵歌遏雲聲絕悲風起  
翻向樽前泣翠娥

東晉

石頭城下浪崔嵬  
風起聲疑出地雷  
何事苻堅太相小  
欲投鞭策過江來

吳江

子胥今日委東流  
吳國明朝亦古丘  
大笑夫差諸將相  
更無人解守蘇州

函谷關

寂寂函關鎖未開  
田文車馬出秦來  
朱門不養三千客  
誰為雞鳴得放回

武關

戰國相持竟不休，武關纔掩楚王憂。  
出門若取靈均語，豈作咸陽一死囚。

垓下

拔山力盡霸圖隳，倚劍空歌不逝骓。  
明月滿營天似水，那堪回首別虞姬。

郴縣

義帝南遷路入郴，國亡身死亂山深。  
不知埋恨窮泉後，

幾度西陵片月沈

東海

東巡玉輦委泉臺徐福樓船尚未回自是祖龍先下世  
不關無路到蓬萊

故宜城

武安南伐勒秦兵疎鑿功將夏禹并誰謂長渠千載後  
水流猶入故宜城

成都

杜宇曾為蜀帝王化禽飛去舊城荒年年來叫桃花月似向春風訴國亡

檀溪

三月襄陽綠草齊王孫相引到檀溪的盧何處埋龍骨  
流水依前遶大堤

青塚

玉貌元期漢帝招誰知西嫁怨天驕至今青塚愁雲起  
疑是佳人恨未銷

李陵臺

北入單于萬里疆五千兵敗滯窮荒英雄不伏蠻夷死  
更築高臺望故鄉

河梁

漢家英傑出皇都攜手河梁詰入胡不是子卿全大節  
也應低首拜單于

軼道

漢祖西來秉白旄子嬰宗廟委波濤誰憐君有翻身術

解向秦宮殺趙高

漢宮

明妃遠嫁泣西風玉筋雙垂出漢宮何事將軍封萬戶  
却令紅粉為和戎

豫讓橋

豫讓酬恩歲已深高名不朽到如今年年橋上行人過  
誰有當時國士心

華亭

陸機西沒洛陽城吳國春風草又青惆悵月中千歲鶴  
夜來猶為唳華亭

東山

五馬南浮一化龍謝安入相此山空不知攜妓重來日  
幾樹鶯啼谷口風

殺子谷

舉國賢良盡淚垂扶蘇屈死樹邊時至今谷口泉嗚咽  
猶似秦人當時恨李斯

馬陵

墜葉蕭蕭九月天驅兵一作羸獨過馬陵前路傍古木蟲

書處記取將軍破敵年

玉門關

西我不敢過天山定遠功成白馬間半夜帳中停燭坐  
唯思生入玉門關

滹沱河

光武經營業未興王郎兵革正憑陵須知後漢功臣力

不及滹沱一片冰

黃河

博望沈埋不復旋  
黃河依舊水茫然  
泓流欲共牛郎語  
只得一作待靈槎送上天

鳳皇臺

秦娥一別鳳皇臺  
東入青冥更不回  
空有玉簫千載後  
遺聲時到世間來

五丈原

蜀相西驅十萬來秋風原下久襄回長星不為英雄住  
半夜流光落九垓

平城

漢帝西征陷虜塵一朝圍解議和親當時已有吹毛劍  
何事無人殺奉春

汴水

千里長河一旦開亡隋波浪九天來錦帆未落干戈起  
惆悵龍舟更不回

蘭臺宮

遲遲春日滿長空  
亡國離宮蔓草中  
宋玉不憂人事變  
從遊那賦大王風

金牛驛

山嶺千重擁蜀門  
成都別是一乾坤  
五丁不鑿金牛路  
秦惠何由得併吞

望思臺

太子銜冤去不回  
臨臯一作高從築望思臺

至今漢武銷

魂處猶有悲風木一作水上來

邯鄲

曉入邯鄲十里春東風吹下玉樓塵青娥莫怪頻含笑  
記得當年失步人

箕山

寂寂箕山春復秋更無人到此溪頭棄瓢巖畔中宵月  
千古空聞屬許由

會稽山

越王兵敗已山棲  
豈望全生出會稽  
何事夫差無遠慮

更一作便開羅網放鯨鯢

不周山

共工爭帝力窮秋  
因此捐生觸不周  
遂使世間多感客  
至今哀怨水東流

虞坂

悠悠虞坂路  
敶斜遲日和風簇  
野花未省孫陽身  
沒後幾多騏驥困鹽車

秦庭

楚國君臣草莽間  
吳王戈甲未東還  
色胥不動咸陽哭  
爭得秦兵出武關

延平津

延平津路水溶溶  
峭壁巍危一作岑一萬重  
昨夜七星潭

底見分明神劍化為龍

瑤池

阿母瑤池宴穆王  
九天仙樂送瓊漿  
漫矜八駿行如電

歸到人間國已亡

銅柱

一柱高標險塞垣  
南蠻不敢犯中原  
功成自合分茅土  
何事翻銜薏苡冤

關西

楊震幽魂下北邙  
關西蹤跡遂荒涼  
四知美譽留人世  
應與乾坤共久長

高陽池

古人未遇即銜枯所貴愁腸得酒開何事山公持玉節  
等閒深入醉鄉來

瀘水

五月驅兵入不毛月明瀘水瘴煙高誓將雄略酬三顧  
豈憚征蠻七縱勞

細柳營

文帝鑾輿勞北征條侯此地整嚴兵轅門不峻將軍令  
今日爭知細柳營

葉縣

葉公丘墓已塵埃  
雲蟲崇墉亦半摧  
借問往年龍見日  
幾多風雨送將來

杜郵

自古功成禍亦侵  
武安寃向杜郵深  
五湖煙月無窮水  
何事遷延到陸沈

柯亭

一宿柯亭月滿天  
笛亡人沒事空傳中  
郎在世無甄別

爭得名垂爾許年

葛陂

長房回到葛陂中人已登真竹化龍莫道神仙難頓學  
嵇生自是不遭逢

博浪沙

嬴政鯨吞六合秋削平天下虜諸侯山東不是無公子  
何事張良獨報讐

隴西

乘春來到隴山西隗氏城荒碧草齊好笑王元不量力  
函闕那受一丸泥

白帝城

蜀江一帶向東傾江上巍峩自古山河歸聖主  
于陽虛共漢家爭

牛渚

溫嶠南歸輶棹晨燃犀牛渚照通津誰知萬丈洪流下  
更有朱衣躍馬人

朝歌

長嗟墨翟少風流急管繁弦似冠鸞若解聞韶知肉味  
朝歌欲到肯回頭

谷口

一旦天真逐水流虎爭龍戰為諸侯子真獨有烟霞趣  
谷口耕鋤到白頭

武陵溪

一溪春水徹雲根流出桃花片片新若道長生是虛語

洞中爭得有秦人

大澤

白蛇初斷路人通漢祖龍泉血刃紅不是咸陽將瓦解  
素靈那哭月明中

澠池

日照荒城芳草新相如曾此挫強秦能令百二山河主  
便作樽前擊缶人

峴山

曉日登臨感晉臣古碑零落峴山春松間殘露頻頻滴

酷似當時

一作初墮淚人

滎陽

漢祖東征屈未伸滎陽失律紀生焚當時天下方龍戰  
誰為將軍作誄文

長城

祖舜宗堯自太平秦皇何事

一作用

苦蒼生不知禍起蕭

牆內虛築防胡萬里城

赤壁

烈火西焚魏帝旗周郎開國虎爭時交兵不假揮長劍  
已挫英雄百萬師

田橫墓

古墓崔巍約路岐歌傳薤露到今時也知不去朝黃屋  
祇為曾烹酈食其

青門

漢皇提劍滅咸秦亡國諸侯盡是臣唯有東陵守高節

青門甘作種瓜人

姑蘇臺

吳王恃霸棄雄才  
貪向姑蘇醉醕醕  
不覺錢塘江上月  
一宵西送越兵來

息城

息亡身入楚王家  
回首春風一面花  
感舊不言長掩淚  
祇應翻恨有容華

上蔡

上蔡東門狡兔肥李斯何事忘南歸功成不解謀身退  
直待雲陽血染衣

武昌

王濬戈鋌發上流武昌鴻業土崩秋思量鐵鎖真兒戲  
誰為吳王畫此籌

鴻溝

虎倦龍疲白刃秋兩分天下指鴻溝項王不覺英雄挫  
欲向彭門醉玉樓

襄城

恃寵嬌多得自由  
驪山舉火戲諸侯  
祇知一笑傾人國  
不覺胡塵滿玉樓

金陵

侯景長驅十萬人  
可憐梁武坐蒙塵  
生前不得空王力  
徒向金田自捨身

洛陽

一作司空圖詩

石勒童年有戰機  
洛陽長嘯倚門時  
晉朝不是王夷甫

大智何由得預知

番禺

重岡複嶺勢崔巍一卒當關萬卒回不是大夫多辨說  
尉他爭肯築朝臺

汨羅

襄王不用直臣籌放逐南來澤國秋自向波間葬魚腹  
楚人徒倚濟川舟

彭澤

英傑那堪屈下僚便裁門柳事蕭條鳳凰不共雞爭食  
莫怪先生懶折腰

涿鹿

涿鹿茫茫白草秋軒轅曾此破蚩尤丹霞遙映祠前水  
疑是成川血尚流

洞庭

五月扁舟過洞庭魚龍吹浪水雲腥軒轅黃帝今何在  
迴首巴山蘆葉青

嶓冢

夏禹崩來一萬秋水從嶓冢至今流當時若訴胼胝苦更使何人別九州

塗山

大禹塗山御座開諸侯玉帛走如雷防風謾有專車骨何事茲辰最後來

商郊

鶯囀商郊百草新殷湯遺蹟在荒榛誰知繼桀為天子

便是當初祝網人

傅巖

巖前版築不求伸方寸那希據要津自是武丁安寢夜  
一宵宮裏夢賢人

鉅橋

積粟成塵竟不開誰知拒諫剖賢才武王兵起無人敵  
遂作商郊一聚灰

首陽山

孤竹夷齊心戰爭  
望塵遮道請休兵  
首陽山倒為平地  
應始無人說姓名

孟津

秋風颯颯孟津頭  
立馬沙邊看水流  
見說武王東渡日  
戎衣曾此叱陽侯

流沙

七雄戈戟亂如麻  
四海無人得坐家  
老氏却思天竺住  
便將徐甲去流沙

鄧城

鄧侯城壘漢江干  
自謂深根百世安  
不用三甥謀楚計  
臨危方覺噬臍難

召陵

小白匡周入楚郊  
楚王雄霸亦咆哮  
不思管仲為謀主  
爭敢言微縮酒茅

綿山

親在要君召不來  
亂山重疊使空迴  
如何堅執尤人意

甘向巖前作死灰

魯城

魯公城闕已丘墟荒草無由認玉除因笑臧孫才智少  
東門鐘鼓祀鶴鷗

驃驃波

行行西至一荒陂因笑唐公不見機莫惜驃驃輸令尹  
漢東宮闈早時歸

夾谷

夾谷鶯啼三月天  
野花芳草整相鮮  
來時不見侏儒死  
空笑齊人失措年

吳宮

草長黃池千里餘  
歸來宗廟已丘墟  
出師不聽忠臣諫  
徒恥窮泉見子胥

摩笄山

春草綿綿岱日低  
山邊立馬看摩笄  
黃鸝也解追前事  
來向夫人死處啼

房陵

趙王一旦到房陵  
國破家亡百恨增  
魂斷叢臺歸不得  
夜來明月為誰升

濮水

青春行役思悠悠  
一曲汀蒲濮水流  
正見塗中龜曳尾  
令人特地感莊周

柏舉

野田極目草茫茫  
吳楚交兵此路傍  
傷誰料伍員入郢後

# 大開陵寢撻平王

## 望夫山

一上青山便化身不知何代怨離人古來節婦皆銷朽  
獨爾不為泉下塵

## 金義嶺

鑿開山嶺引湘波上去昭回不較多無限鵲臨橋畔立  
適來天道過天河

## 云云亭

一上高亭日正晡青山重疊片雲無萬年松樹不知數

若箇蚌枝是大夫

阿房宮

新建阿房壁未乾沛公兵已入長安帝王苦竭生靈力  
大業沙崩固不難

沙丘

年年遊覽不曾停天下山川欲遍經堪笑沙丘纔過處

鑾輿風過鮑魚腥

咸陽

一朝閭樂統羣克二世朝廷掃地空唯有渭川流不盡  
至今猶繞望夷宮

廢丘山

此水雖非禹鑿開廢丘山下重縈迴莫言只解東流去  
曾使章邯自殺來

廣武山

數罪楚師應奪氣底須多論破深艱倉皇鬪智成何語

遺笑當時廣武山

長安

關東新破項王歸赤幟悠揚日月旗從此漢家無敵國  
爭教彭越受誅夷

鴻門

項籍鷹揚六合晨鴻門開宴賀亡秦樽前若取謀臣計  
豈作陰陵失路人

漢中

荆棘蒼蒼漢水湄  
將壇煙草覆餘基  
適來投石空江上  
猶似龍顏納諫時

泜水

韓信經營按鎧鋒  
臨我叱咤有誰加  
猶疑轉戰逢勍敵  
更向軍中問左車

雲夢

漢祖聽讒不可防  
偽遊韓信果罹殃  
十年辛苦平天下  
何事生擒入帝鄉

高陽

路入高陽感酈生  
逢時長揖便論兵  
最憐伏軾東遊日  
下盡齊王七十城

四皓廟

四皓忘機飲碧松  
石巖雲殿隱高蹤  
不知俱出龍樓後  
多在商山第幾重

霸陵

原頭日落雪邊雲  
猶放韓盧逐兔羣  
况是四方無事日

霸陵誰識舊將軍

昆明池

欲出昆明萬里師漢皇習戰此穿池如何一面圖攻取  
不念生靈氣力疲

迴中

武皇無路及昆丘青鳥西沈隴樹秋欲問生前躬祀日  
幾煩龍駕到涇州

東門

何人知足反田廬玉管東門餞二疏  
豈是不榮天子祿

後賢那使久閒居

射熊館

漢帝荒唐不解憂大誇田獵廢農收子雲徒獻長楊賦  
肯念高皇沐雨秋

昆陽

師克由來在協和蕭王兵馬固無多誰知大敵昆陽敗  
却笑前朝困楚歌

# 七里灘

七里青灘映碧層  
九天星象感嚴陵  
釣魚臺上無絲竹  
不是高人誰解登

# 頴川

古賢高尚不爭名  
行止由來動杳冥  
今日浪為千里客  
看花慙上德星亭

# 江夏

黃祖才非長者儔  
禰衡珠碎此江頭  
今來鸚鵡洲邊過

惟有無情碧水流

官渡

本初屈指定中華官渡相持勒虎牙若使許攸財用足  
山河爭得屬曹家

灞岸

長安城外白雲秋蕭索悲風灞水流因想漢朝離亂日  
仲宣從此向荊州

濡須橋

徒向濡須欲受降英雄才略獨無雙天心不與金陵便  
高步何由得渡江

豫州

策馬行行到豫州祖生寂寞水空流當時更有三年壽  
石勒尋為關下囚

八公山

苻堅舉國出西秦東晉危如累卵晨誰料此山諸草木  
盡能排難化為人

下第

翰苑何時休嫁女文昌早晚罷生兒上林新桂年年發  
不許平人折一枝

贈薛濤一作王建詩

萬里橋邊女校書  
枇杷花下閉門居  
掃眉才子知多少  
管領春風總不如

御定全唐詩卷六百四十七

欽定四庫全書  
唐詩卷一萬八千五十三

集部

御定全唐詩卷六百四十八

方干

方干字雄飛新定人徐凝一見器之授以詩律始舉進士謁錢塘太守姚合合視其貌陋甚卑之坐定覽卷乃駭目變容館之數日登山臨水無不與焉咸通中一舉不得志遂遯會稽漁於鑑湖太守王龜以其亢直宜在諫署欲薦之不果干自咸通得名迄文德江之南無有

及者歿後十餘年宰臣張文蔚奏名儒不第者五人請賜一官以慰其魂于其一也後進私謚曰玄英先生門人楊弁與釋子居遠收得詩三百七十餘篇集十卷今編詩六卷

採蓮

採蓮女兒避殘熱隔夜相期侵早發指剥春葱腕似雪  
畫橈輕撥蒲根月蘭舟遲速有輸贏先到河灣賭何物  
纔到河灣分首去散在花間不知處

寄李頻

衆木又搖落望君還不一作猶未還軒車在何處一作處去雨  
雪滿前山思苦文星動鄉遙釣渚間明年見名姓一作字  
唯我獨何顏

東溪別業寄吉州段郎中

前山含遠翠

一作翠晚

羅列在窗中盡日

一作晝夜

人不到一尊

誰與同涼隨蓮葉雨暑避柳條風宜分長岑一作孤寂明

時有至公

懷州客舍

誤飲草懷酒誰知滯去程朝昏太行色坐卧沁河聲  
道穿秦甸嚴鼙似戍城隣雞莫相促遊子自晨征

中路寄喻鳬先輩

求名如未遂白首亦難歸送我尊前

一作中

酒典君身上

衣寒蕪隨楚盡

一作閨

落葉渡淮稀莫歎

一作笑

干時晚前

心豈便非

送趙明府還北

故園一作林終不住劍鶴在扁舟盡室無餘俸還家得白

頭鐘催吳岫曉

一作晚月遠照

渭河流曾是棲安邑恩

期異日酬

過朱協律故山

地下無餘恨人間得盛名殘篇續大雅稚子托諸生度  
日山空暮緣溪鶴自鳴難收故交意寒笛一聲聲

途中寄劉沆

一作寄朱特

登車誤相遠談笑亦何因路入瀟湘樹書隨巴蜀人歛

衣寒犯雪傾篋病看春莫負髫年志清朝作一作有獻臣

送班主簿

一作少府入謁荆南韋常侍

一作尚書盧

東書成遠去還計莫經春倒篋唯求醉登舟自笑貧波  
移彭蠡月樹沒漢陵人試吏曾趨府旌幢自可一作易得親

夏日登靈隱寺後峰

絕頂無煩暑登臨三伏中深蘿難透日喬木更含風山  
疊雲霞際川傾世界東那知茲夕興不與古人同

聽新蟬寄張晝

細聲頻斷續審聽亦難分  
鬢應移處從容却不明蘭  
棲朝咽露樹隱暝吟雲莫一作若  
遣鄉愁起吾懷祇是一作

似君

送喻坦之下第還江東

文戰偶未勝無令移壯心風塵辭帝里舟檝到家林過  
楚寒方盡浮淮月正沈持杯話來日不聽洞庭砧

送姚舒下第遊蜀

蜀路何迢遞憐君獨去遊風煙連北虜山水似一作勝

甌九折盤荒坂重江遠漢州臨邛一壺酒能遣浣一作長

鄉愁

旅次錢塘

此地似鄉國堪為朝夕吟雲藏吳相廟樹引越山禽潮落海人散鐘遲秋寺深我來無舊識誰見寂寥心

別喻鳬

知心似古人歲久分彌親離別波濤闊留連槐柳新墓

陵寒

一作武陵間

貰酒漁浦夜垂綸自此星居後音書豈厭

頻

送相里燭

相逢未作期相送定何之不得長年少那堪遠別離泛  
湖乘月早踐雪過山遲永望多時立翻如在夢思

君不來

閒花未零落心緒已紛紛久客無人見新禽何處聞舟  
隨一水遠路出萬山分夜月生愁望孤光必照君

將謁商州呂

一作李

郎中道出楚州留獻章

一作章

中丞

江流盤復直浮棹出家林商洛路猶遠山陽春已深青  
雲應有一可作望白髮未相侵才小知難薦終勞許郭心

金州客舍

卷箔羣

一作雲

峰暮蕭條未掩關江流嶓冢雨路

一作帆

入

漢家

一作陰

山落葉敲眠後孤砧倚望間此情偏耐醉難

遣酒瓶閒

途中逢孫輅因得李頻消息

灞上寒仍在柔條亦自新山河雖度臘雨雪未知春正  
憶同袍者堪逢共國人銜杯益一作亦無語與爾轉相親

送從兄郜

一作韋郜一作途中別孫璐

道路本無限又一作更應何處逢流年莫虛擲華髮不相  
容野渡波搖月空一作寒城雨翳鐘此心隨去馬一作鳥追

遞過千重一作峰

送許溫

一作渾

壯歲分深一作彌切少一作發年心正一作即同當聞千里去

難遣一尊空。翳燭蒹葭雨，吹帆摘柚風。明年見親族，盡

冬一作集在懷中

鏡中別業二首

一作鏡湖  
西島閒居

寒山一作居。壓鏡心。北處是家林。梁燕窺欺一作春醉蟲猿。

學夜吟雲連平地。起月向白波。沈猶自聞鐘角。棲身可  
在深。

世人如不容。吾自縱天慵。落葉憑風掃。香杭倩水春。  
朝連郭霧雪。夜隔湖鐘身。外一作在無能事頭。宜白比峰。

經周處士故居

愁吟與獨行何事不傷

一作  
悵

情久立釣魚處唯聞啼鳥

聲山蔬和草嫩

一作  
雨歇

海樹入籬

一作  
雲

生吾在茲溪上懷

君恨不平

贈喻鳬

所得非衆語衆人那得知纔吟五字句又白幾莖髭月  
閣欹眠夜霜軒正坐時沈思心更苦恐作滿頭絲

早發洞庭

長天接廣澤二氣共含秋舉目無平地何心戀直鉤孤  
鐘鳴大岸片月落中流却憶鷗夷子當時此泛舟

貽錢塘縣路明府

一作感懷

志業一作至學不得力到一作至今猶苦吟金陵五字句用破

一生心世路屈聲遠一作滿寒一作雲溪怨一作冤氣深前賢

多晚達莫怕鬢霜侵

湖上言事寄長城喻明府

吟霜與卧雲此興亦甘貧吹箭落翠羽垂絲牽錦鱗一作

熟葷蒸菰米  
垂絲釣錦鱗  
滿湖風撼月  
半日雨藏春  
却笑紫簪組勞

# 心寄遠人

涵碧亭

洋州于中丞  
宰東陽日置

高低竹雜松積翠復留風路極一作陰溪裏寒生暑氣

中間雲低覆草片水靜涵空方見洋源牧心侔造化功

# 除夜

永懷難自問此夕衆愁興曉韻侵春角寒光隔歲燈心  
燃一寸火淚結兩行冰煦育誠非遠陽和又欲升

贈許牘山人

才子醉更逸一吟傾一觴支頤忽有得搖筆便成章王  
粲實可重禡衡爭不狂何時應會面夢裏是瀟湘

贈功成將

定難在明畧何曾勞戰爭飛書諭強寇計日下重城深

雪移軍

營一作

夜寒笳

沙一作

出塞情苦心殊易老新髮早

年生

白

自一作

艾原客

原上桑柘瘦再來還見貧滄州幾年隱白髮一莖新敗葉平空慙殘陽滿近隣閒言說知己半是學禪人

朔管

寥寥落何處一夜過胡天送苦秋風外吹愁白髮邊望鄉皆下淚久戍盡休眠寂寞空沙曉開眸片月懸

憶故山

舊山長繫念終日卧邊亭道路知已遠夢魂空再經秋泉涼好引乳鶴靜宜聽獨上高樓望蓬身且未一作保寧

冬夜泊僧舍

江東寒近臘野寺水天昏無酒能消夜隨僧早閉門照  
牆燈焰細著瓦雨聲繁漂泊仍千里清吟欲斷魂

新秋獨夜寄戴叔倫

遙夜獨不卧寂寥庭戶中河明五陵上月滿九門東萬  
里親朋散故園滄海空歸懷正南望此夕起秋風

送沛縣司馬丞之任

舉酒一相勸逢春聊盡歡羈遊故交少遠別後期難路

上野花發雨中青草寒悠悠兩都夢小沛與長安

送盧評事東歸

一作戴叔倫詩題  
云送友人東歸

萬里楊柳色出關送故人輕煙覆拂一作流水落日照行  
塵積夢江湖闊憶家兄弟貧窶回灞亭上不語共傷春

清明日送鄧芮還鄉

一作戴叔倫詩

鐘鼓喧離室車徒促

一作役

夜裝曉榆

一作厨

新變火輕柳

暗飛霜轉鏡看華髮傳杯話故鄉每嫌兒女泪今日自

沾裳

御定全唐詩卷六百四十八

謹案卷六百四十七第一頁後四行軒車競出紅

塵合按別本合作外

欽定四庫全書

總校官庶吉士臣張能照  
校對官檢討臣蕭九成

謄錄舉人臣李駟

謄錄監生臣劉天倉

欽定四庫全書會要

集部

御定全唐詩卷六百

四十九至  
五十一

詳校官原任主事臣李斯咏

傾浮菊酒聊拂染衣塵  
獨恨滄洲侷愁來別故人

江州送李侍御歸東洛

獨乘驄馬去不並旅人還  
中外名卿貴田園高步閒暮春  
經楚縣新月上淮山道路空瞻望  
軒車不敢攀

送郭太祝歸江東

鄉人去欲盡北雁又南飛  
京洛風塵久江淮音信稀舊山知  
獨往一醉莫相違未得解羈旅無勞問是非

送李恬及第後還貝州

成名年少日就業聖人書擢桂誰相比贏金已不如東  
城送歸客秋日待征車若到清潭畔儒風變里間

收兩京後還上都兼訪一二親故

離堂千里客歸騎五陵人路轉函關晚煙開上苑新天  
涯將野服闕下見鄉親問得存亡事裁詩寄海濱

送汶上王明府之任

何時到故鄉歸去佩銅章親友移家盡閭閻百戰傷背  
闊餘草木出塞足風霜遺老應相賀知君不下堂

湖南使院遣情送江夏賀侍郎

雲雨一消散悠悠闊復河俱從泛舟役遂隔洞庭波楚  
水去不盡秋風今更過無由得相見却恨寄書多

過申州作

萬人曾死戰幾戶免刀兵

一作幾處  
見休兵

井邑初安堵兒童

未長成涼風吹古木野火燒

一作入

殘營寥落千餘里山

高水復清

汝南過訪田評事

移家近漢陰不復問華簪買酒宜城遠燒田夢澤深暮  
山逢鳥入寒水見魚沈與物皆無累終年愜本心

送道上人遊方

律儀通外學詩思入玄關煙景隨人別風姿與物間貫  
花留靜室兜水度空山誰識浮雲意悠悠天地間

送饒州王司法之任兼寄朱處士

莫辭一作愁還作吏且喜速回車留醉悲殘歲含情寄遠

書共看衰老近轉覺宦名虛遙想清溪畔幽人得自如

詹碏山居

愛此棲心靜風塵路已賒十餘莖野竹一兩樹山花遶  
石聞泉細穿蘿引徑斜無人會幽意來住在煙霞

曉角

畫角吹殘月寒聲發戍樓立霜嘶馬怨攢磧泣兵愁燕  
雁鳴雲畔胡風冷草頭罷聞三會後天迥曉星流

冬日

燒火掩關坐窮居客訪稀凍雲愁暮色寒日淡斜暉穿

牖竹風滿庭雲葉飛已嗟周一歲羈寓尚何依

殘秋送友

早為千里別況復是秋殘木葉怨先老江雲愁暮寒交  
情如水淡離酒泛杯寬料想還家後休吟行路難

客行

蘿葉綴為衣東西泣路歧鄉心日落後身計酒醒時觸  
目多添感凝情足所思羈愁難盡遣行坐一低眉

秋夜

度鴻驚睡醒欹枕已三更  
夢破寂寥思燈殘零落明空窗  
間月色幽壁靜蟲聲況是離鄉久依然無限情

新月

入夜天西見蛾眉冷素光潭魚驚釣落雲雁怯弓張  
隱臨珠箔微微上粉牆更憐三五夕仙桂滿輪芳

涂上懷周賀

就枕忽不寐孤懷興歎初南譙收舊歷工苑絕來書

一作

已經天歲未寄漢陽書暝雪細雨亂聲積晨鐘寒韻疎侯門昔彈

鉞曾共食江一無魚

寄石澑清越工人

寺處唯高僻雲生石枕

一作枕石

前靜吟因

一作應

得句獨夜

不妨禪窗接停猿樹巖飛浴鶴泉相思有書札俱倩獵

人傳

陳式水墨山水

造化有功力平分歸筆端溪如冰後聽山似燒來看立

意雪髯

一作霜毫

出支頤煙汗

一作汁

乾世間從爾後應覺致

名難

陳秀才亭際木蘭

昔見初裁日今逢成樹時存思心更感遙看步還遲蝶舞搖風葉鶯啼含露枝裊回不忍去應與醉相宜

贈鏡公

一作旅  
次錢塘

幽獨度遙夜夜清神更閒高風吹越樹

一作國

細露濕

一作

雨湖山月皎微吟後鐘鳴不寐間如教累簪組此興豈

相關

登雪竇僧家

一作書竇  
雲禪者壁

登寺尋盤道人煙遠更微石窟秋見海山靄暮侵衣衆木隨僧老高泉盡日飛誰能厭軒冕來此便忘機

途中逢進士許巢

聲望

一作價

去已遠門

一作問

人無不知義行相識處貧過

少年時妨寐夜吟苦愛閒身達遲難求似君者我去更

逢誰

贈瑪瑙山禪者

一作贈瑪瑙  
禪師歸京

彷

一作蒲

草不停獸因師山更靈村林朝乞食風雨夜開

扃井味兼松粉雲根着淨瓶塵勞如醉夢對此暫能醒

訓故人陳又都

遠別那無夢重遊自有期半年鄉信到兩地赤

一作客

知坐久吟移調更長硯結澌文人才力薄終怕阿戎欺

閨春

一作月

羃羃復蒼蒼微和傍早陽前春寒

一作惜

已盡待閨日

猶長柳變雖因雨花遲豈為霜自茲延聖歴誰不駐年

光

方著作畫竹

疊葉與高節俱從毫末生流

一作留傳千古譽研鍊十年

情向月本無影臨風疑有聲吾家釣臺畔

一作磯側似此兩

三莖

題友人山花

平明

一作  
葉萌

方發盡

一作  
盡坼

為待

一作  
得

好風吹不見移來日

先愁落

一作  
花

去時濃香薰

疊葉繁榮壓卑

一作  
枝坐

作

來看皆終夕遊蜂似自一作有期

贈詩僧懷靜一作觀

幾多一作生餘習在時復作一作却微吟坐夏莓苔合一作匝

行禪檜柏深入山成白首學道是初心心地不移變徒  
云一作勞寒暑侵

贈許牘秀才

理論與妙用皆從人外來山河澄正氣雪月助宏才傲  
世寄漁艇藏名歸酒杯升沈在方寸即恐起風雷

送于丹

至業是至寶莫過心自知時情如甚暢天道即無私入  
洛霜霰苦離家蘭菊衰焚舟一作營州不回顧薄暮又何之

送人遊一作之日本國

蒼茫大荒外風教一作勢即難知連夜揚帆去經年到岸  
遲波濤含一作吞左界星斗定東維一作證或有歸風便

當為相見期

東溪言事寄于丹

日月晝夜轉年光難駐留軒窗才過雨枕簟即知秋草

一作天際鳥雁

行出溪中虹影收唯君壯心在應笑卧

滄洲

暮發七里灘夜泊嚴光臺下

一瞬即七里箭馳猶是難檣邊走嵐翠枕底失風湍但  
訝猿鳥定不知霜月寒前賢竟何益此地誤垂竿

處州洞溪

氣象四時清無人畫得成衆山寒叠翠兩派綠分聲坐

月何曾夜聽松不似晴混沌元融結後便有此溪名

稱心寺中鳥

水木深不極似將星漢連中州唯比地上界別無天雪  
折停猿樹花藏浴鶴泉師為終老意日日復年年

歲晚苦寒

地氣寒不暢嚴風無定時挑燈青燼少呵筆尺書遲白  
免沒已久晨雞僵未知妨看開聖歷暄煦立為期

杜鵑花

未問移裁日先愁落地時疎中從間葉密處莫燒枝郢  
客教誰探胡蜂是自知周回兩三步常有醉鄉期

山中

散拙亦自逐麤將猿鳥同飛泉高瀉月獨樹迥含風果  
落盤盂上雲生篋笥中未甘明聖日終作釣漁翁

路支使小池

兒童戲穿鑿咫尺見津涯蘚岸和纖草松泉濺淺沙光  
含半牀月影入一枝花到此無醒日當時有習家

清源標公

師為衆人重始得衆人師年到白頭日行如新戒時  
添放魚澗窓迥裏猿枝此地堪終老迷癡自不知

題雪竇禪師壁

一作贈雪竇峰禪師

飛泉

一作流

滅禪石饼

一作注復展

亦

一作每

生苔海上山不淺

天邊人自來長年隨檜柏獨夜任風雷獵者聞疎磬知

師入定廻

重寄金山寺僧

風濤西山寺磬韻達漁船此處別師久遠懷無信傳月  
華妨靜燭鳥語答幽禪已見如如理灰心應不然

哭胡珪

才高登上第孝極歿廬塋一命何無定片言徒有聲故  
園花自發新塚月初明寂寞重泉裏豈知春物榮

與清溪趙明府

清規暫趨府獨立與誰親遂性無非酒醉一作求閒却愛  
貧林泉應入夢印綬莫留人王事聞多暇吟來幾首一作

句新

送判縣陳永秩滿歸越

俸祿三年後程途一月間舟中非客路鏡裏是家山密  
雪霑行袂離叢一作叢杯變別顏古人唯賀滿今挈解由還

示鄉叟

暮齒甘衰謝逢人惜別離青山前代業老樹比身移買  
藥將衣盡尋方見字遲如何鑄殘鬢覽鏡變成絲

遊竹林寺

得路到深寺幽虛曾識名  
鮮濃陰砌古煙起暮香生曙  
月落松翠石泉流梵聲聞  
僧說真理煩惱自然輕

陸處士別業

問道遠相訪無人覺路長夜深回釣磯月影出書牀蟬  
噪蓼花發禽來山果香多時欲歸去西望又斜陽

贈中岳僧

坐來乘木大誰見入蟲年多病長留藥無憂亦是禪  
牀移片石春粟引高泉盡願求心法逢誰即擬傳一作老去

唯多病寒來忽廢禪夜雲侵靜燭枯葉落澄泉盡擬求心法當期早晚傳

寄普州賈司倉島

亂山重復疊何路

一作處

訪先生豈料多才者空垂不世

一  
不第名  
生  
冤氣終不散嘉言徒擅名

間曹猶得醉薄俸

亦勝耕莫問吟詩石年年芳草平

送鏡空上人遊江南

去住如雲鶴飄然不可留何山逢後夏一食在孤舟細

雨蓮塘晚疎蟬橘岸秋

一作細雨隋宮  
晚蟬聲漢樹

應懷舊溪月夜

過石窗流

新正

草門惆悵內一作日時節暗來頻每見新正雪長思故國

春雲西斜去雁江上未歸人又一年為客何媒得到秦

夜聽虛步

寂寂永宮裏天師朝禮聲步虛聞一曲渾欲到三清瑞  
草秋風起仙階夜月明多年遠塵意此地欲鋪平

題碧溪山禪老

一作贈鶴  
隱寺僧

師步有雲隨師情唯鶴知蘿迷收采即木路雪隔出溪也

時竹砍窺沙井巖禽停檜枝由來傲卿相卧穩荅書遲

寒食宿先天寺無可上人房

雙扉檜下開寄宿石房苔幡北燈花動城西雪霰來收  
慕想雲夢罷茗議天台同憶前年臘師初白閣回

中秋月

涼霄煙靄外三五玉蟾秋列野星辰正當空鬼魅愁泉  
澄寒魄瑩露滴冷光浮未折青青桂吟看不忍休

暮冬書懷呈友人一作曉詩

空為梁甫吟誰竟是知音風雪生寒夜鄉園來舊心滄江孤棹迥白閣一鐘深君子久忘我比懷甘自沈

贈江南僧

忘機室亦空禪與沃州同唯有半庭竹能生竟日風思山海月上出定印香終繼後傳衣者還須立雪中

柳

搖曳惹風吹臨堤軟勝絲態濃誰為一作解識力弱自難

持學舞枝翻袖呈妝葉展眉如何一攀折懷友又題詩

送姚合員外赴金州

受詔從華省開旗發帝州野煙新驛曙光照古山秋樹  
勢連巴沒江聲入楚流唯應化行一作後吟句上間樓

送江陰霍明府之任

遙遙去舸新浸郭葦兼蘋樹列巢灘鶴鄉多釣浦人虹  
分陽美雨浪隔廣陵春知竟三年秩琴書外是貧

送友及第歸淛東

一作送王羽登科後歸江東  
又見戴叔倫集題作送王翁

信及第後歸

江東舊隱

南行無俗侶秋雁與寒雲野趣

一作性

自多懷鄉名

一作香

人共聞吳山中路斷澗水半江分此地登臨慣攬舍

情一送君

山中即事

趨世非身事山中適性情野花多異色幽鳥少凡聲樹  
影搜涼卧苔光破碧行閒尋採藥處仙路漸分明

過黃州作

弭節齊安郡。孤城百戰殘。傍村林有虎。帶郭縣無官。  
暮角梅花怨。清江桂影寒。黍離緣底事。撩我起長歎。

御定全唐詩卷六百四十九